

KONTROLIK GABEKO ABEREAK BILTZEN EGINDAKO ZERBITZU PUBLIKOAGATIK JARTZEKO TASAK ARAUPETZEN DITUEN ORDENANTZA. 2020. URTEA

I. XEDAPEN OROKORRAK

1. artikulua.- Udal honek Lurralde Historikoko Toki Ogasunak araupetzen dituen Foru Arauan aurreikusitakoaren arabera, tasak ezarri eta eskatzen ditu inolako identifikaziorik gabe edota identifikazio ofiziala izan arren une bakoitzean indarrean diren osasun arauak betetzen ez dituztela udalerrian zehar aske dabiltzan kontrolik gabeko abereak batzeagatik.

2. artikulua.- Ordenantza udalerriko lurralde osoan aplikatuko da.

II. ZERGA EGITATEA

3. artikulua.- Zerga egitate, inolako identifikaziorik gabe edota identifikazio ofiziala izan arren une bakoitzean indarrean diren osasun arauak betetzen ez dituztela udalerrian aske dabiltzan kontrolik gabeko abereak udalak benetan batzeak egiten du, bai batze hori eskatua izan delako bai kontrolik gabeko abereen arduradunek zeharka eginiko egintzek edota hutsek horretara bultzatu dutelako.

III. SUBJEKTU PASIBOA

4. artikulua.-

1. Subjektu pasiboak, zergadunak diren adinean, Lurralde Historikoko Zergei buruzko Foru Arau Orokorraren arabera udalerrian kontrolik gabeko abereak batzeko zerbitzuak mesedetuak edo kaltetuak gertatzen diren pertsona partikularrak nahiz erakundeak dira.

2. Kontrolik gabeko abereak batzeagatik ezarritako tasetan zergadunaren ordezkotzat joko dira aipatzen diren abere buruen jabeak; hauek, dagokien kasuan, kuotak onuradun bakoitzari jasanarazi ahal izango dizkiete.

5. artikulua.- Tasak, beren egintzak edota hutsegiteak direla tarteko, kontrolik gabeko abereak batu beharra sortu duten partikulek ordainduak izango dira.

IV. SALBUESPENAK, TXIKIPENAK ETA ONURAK

6. artikulua.- Salbuespenak edo bestelako zerga onurak ematea aplikagarri diren xedapen orokorretan ezarritakoaren menpe izango da.

V. ZERGA OINARRIA

7. artikulua.- Zerga oinarria kontrolik gabeko abereak batzean ageri den buru bakoitza da, eranskinean datozen terminoetan.

VI. KUOTA

8. artikulua.- 1. Zergaren kuota Eranskinean ezarritakoaren arabera onartutako tarifak batera ezartzetik ateratzen den zenbatekoa izango da.

2. Kontrolik gabeko abereak batzeak tokiko herri jabetzaren hondamena edo kaltea dakarrenean, onuradunak, ordaindu beharko duen tasaren kaltetan izan gabe, berreraikuntza edo konponketa gastuei dagokien guztiko kostua ordaindu beharra eta zenbatekoa aurretiaz jarri beharra izango du.

3. Kalteak konponezinak direnean, udalak kalte-ordaina jasoko du hondatutako ondarearen balioa adinekoa den zenbatekoan edota egindako kalteen zenbatekoan

Udalak ezingo ditu, osorik ezta zatika, aurreko lerroetan aipatzen diren kalte-ordainak edo itzulketak barkatu.

VII. SORTZAPENA ETA ZERGALDIA

9. artikulua.- 1. Tasa kontrolik gabeko abereak batzen direnean sortuko da.

VIII. LIKIDAZIOAK ETA SARRERA

10. artikulua.- Udalak kontzeptu bakoitzari dagokion likidazioa egingo du, likidatutako zenbatekoa dirutan sartuz, Eranskinean ordainarazpen bakoitzerako dakartzan arau berezien arabera.

IX. TASEN KUDEAKETA

11. artikulua.- Ordenantza honek araupetutako Tasen likidazio, bilketa eta ikuskapenari dagozkien zer guztietan, eta, baita ere, zerga-hausteen sailkapenean eta kasu bakoitzean ezartzekoak diren zigorren zehazpenean, Lurralde Historikoko Zergari buruzko Foru Arau Orokorrean aurreikusitako aplikatuko da.

X. AZKEN XEDAPNEA

Honako Ordenantza hau, eta eranskina 2005eko azaroaren 25ean, 2006ko abenduaren 22an, onartu zen, BAO n argitaratuko da eta 2007ko urtarrilaren

1ean indarrean jarriko da indargabetzea erabakitzen den airaungo du indarrean.

Eranskina.

Animaliak batzeagatiko kostua:

Beharginen lansariak: 14,76 euro ordu eta pertsonako

Joan-etorriak: 0,29 euro/km

Materiala (dardoak, xirigak): 88,55 euro

Animalien mantenimendua:

* azienda larria:

1. burua: 33,21 euro/eguneko

2. burua eta hurrengokoak: 7,37 euro/egun/buruko

* azienda xehea:

1. burua: 31,37 euro/eguneko

2. burua eta hurrengokoak: 3,70 euro/egun/buruko

Hiltegiko gastuak: zerbitzuaren benetako kostuaren arabera.

Sanitate tratamenduengatiko gastuak: zerbitzuaren benetako kostuaren arabera.